

新文豐出版公司印行

叢書集成續編

一八四

叢書集成續編 第一八四冊目錄

文學類



文別集——宋

劉左史文集四卷……………宋 劉安節撰 永嘉 一

王魏公集八卷附校勘記一卷校勘續記一卷……………宋 王安禮撰 豫章 三九

金華唐氏遺書十四卷……………民 魏元曠撰 續金華 一二一

詩解鈔一卷……………民 胡思敬撰 續金華 一二三

九經發題一卷……………宋 唐仲友撰 續金華 一二八

魯軍制九問一卷……………愚書一卷……………一三五

愚書一卷……………悅齋文鈔十卷補一卷……………一三八

悅齋文鈔十卷補一卷……………宋 楊萬里撰 一四五

誠齋策問二卷附校勘記一卷校勘續記一卷……………民 魏元曠撰 豫章 二二五

民 胡思敬撰

倪石陵書一卷附考異一卷……………宋 倪 樸撰 續金華 二七一

民 胡宗楨考異

舒文靖公類藁四卷附錄三卷……………宋 舒 璘撰 四明 二九一

清 徐時棟輯校

袁正獻公遺文鈔二卷附錄三卷	宋 袁燮撰	四 明 三九一
雲谿稿一卷	清 袁士杰輯	續 金華 四二三
格齋四六二卷補一卷附校勘記一卷	宋 呂皓撰	豫 章 四四一
敏齋稿一卷	宋 王子俊撰	續 金華 四八三
宋簽判龍川陳先生文鈔二卷	宋 胡思敬撰	明 辨齋 四八九
四明文獻集五卷深寧先生文鈔摭餘編三卷補遺一卷	宋 呂殊撰	
雪窗先生文集二卷附錄一卷	宋 陳亮撰	明 五三七
勿齋集二卷	宋 王應麟撰	
	明 鄭真輯	四 明 六九五
	清 葉熊輯	宋 人集 七四七
	宋 孫夢觀撰	
	宋 楊至質撰	

1257/02

劉左史集



留元剛

元祐紹聖間程先生講道伊洛東南之士多從之游而爲永嘉倡者太學博士周公起居郎給事中二劉公也嗟夫人不可不知學學不可不知道世之口先王行市人者其誰曰不知學哉學而不知道文字章句之間聲音笑貌之末外浮而內不實言出而行不逮非學也假學以文姦飾學以欺人者也是其自媒寵利與之俱汨耳禍福得喪之衡安有所存者邪夷考三公之出處時右新學違而之他甘心損黜曾是師伊川爲苟賤者祖鄒志完於詩張旁山之時挫蔡京於焰勢方張之日不移不詘何恃能爾講學之功大矣不然以位達以文名前後相望也而學者於三公則祠遺像而矜式誦空言而則慕亦反其本而已矣

序

一

提要

臣等謹案劉左史集四卷宋劉安節撰安節字元承永嘉人元符三年進士官至起居郎擢太常少卿出知饒州遷知宣州卒於官是集不知何人所編前有留元剛序標題雖稱劉左史集而其文始終以周乎劉安上與安節並稱謂之三先生孫詒讓謹按留序所謂太學博士周公出程門故留氏以之並稱此又祇言其氣節而無一事及文集莫之詳也其編次頗無法首以奏議次以表次以疏狀是矣而以功德疏入之疏狀則為失倫又次以應酬諸啓冠墓銘之前又次以祭文青詞冠經義論策之前則顛倒尤甚終以漁樵問對其名與世傳邵子書同核其文亦皆相合考晁公武讀書志稱漁樵問對一卷皇朝邵雍撰按此為讀書志之原文故設為問答以論陰陽化育之端性命道德之奧邵氏言其祖之書也當考云云則漁樵問對有謂出自邵子者有謂邵子之祖者均不云安節所撰不知何人編入集中然以太極圖歸鶴林寺僧壽涯以先天圖歸華山道士陳搏儒者皆斷斷爭之以此書歸於安節而儒者未嘗駁其非或亦疑以傳疑歟安節出伊川程子之門其生平略見卷末附錄上蔡語錄三則及許景衡所作祭文墓誌中其文章亦明白質實不失為儒者之言經義尤明白條暢蓋當時太學之程式後

004

來入比之禮典也凡周禮十一篇論語三篇孟子二篇中庸一篇其中庸一篇介孟子二篇之中蓋繕寫偶失其次周禮第四篇前缺四行以文義考之其題為時見曰會其佚文三行則不可復補矣乾隆五十二年二月恭校上

總纂官 臣紀昀 臣陸錫熊 臣孫士毅
總校官 臣陸費墀

提要

二

劉左史文集卷之一

奏議

論謹擇皇子官屬

臣聞天下之本有三法度皇子人材是也而法度人材又以皇子爲之本皇帝陛下詳延俊良列於庶位恢張綱目細大畢舉實社稷無疆之業乃者皇子就傅選置官屬爲之輔導獨出宸鑒之所識擢可謂急所本矣臣聞賈誼言曰天下之本繫之太子太子之善在於早諭教與選左右夫翊善侍講記室之職實掌教諭前日慎東既已精矣而左右者亦不可以不慎蓋諭教之官趨見有時左右之臣朝夕於側所以服習積貫者爲賴已多必得其人乃克有補方今近侍之臣其賢與否固已不逃陛下之察察矣臣願慎擇莊恪純厚而博學者以充左右之選左右罔非正人則所聞皆正言所見皆正行元良正而天下定矣苟羣枉雜進則治忽以分可不畏哉可不慎哉

論尙同之弊

臣伏觀獻歲紀元之號曰政和蓋自神考稽古立政實創厥始繼繼承承至於今日斟酌損益克底於中此政和之實也然臣聞之和與同異可否相濟曰和可否否曰同曩者朝廷立法之初意甚美也而議論之臣曾不爲國家深惜惟務希合以濟其私往往順承太過浸失本意此尙同之弊也幸陛下神聖獨斷親洒宸翰以勅有司參酌前後之宜悉從中制一代之典遂成完文庶政惟和適在今日夫同者憂其說之不合一己之私也和者惟義所在天下之公也願陛下明勅羣吏各公乃心務輸忠實毋或徇私以爲雷同有所建立不憚可否參於至當以合乎孔子

所謂不同之義則政和之效出前古矣詩曰不競不綈不剛不柔敷政優優百祿是適此言湯政之和而獲天福也惟陛下留神天下幸甚

表

大觀改元賀正旦

開歲發春帝方由震體元御極王乃憲天肆羣后之在朝開明堂而坐治隆名從古繕典備今臣賀恭惟皇帝陛下睿智有臨謙沖不伐維紹休于烈考以欽命於昊穹正月始和茂對乾元之首大觀在上一新渙號之孚爰舉盛儀用昭鴻烈奔旅庭之萬國儼執玉之千官坐烜威容密符祥祐臣適將使命出按學官去國逾時望不遠於一尺奉觴無地頌徒極於萬年

賀天寧節

劉左史文集卷一

電繞斗樞上昭乾緯虹流華渚俯賁坤維凡居二氣之中咸仰千齡之會歡然萬口端若一辭臣賀恭惟皇帝陛下嗣守不圖誕膺明命無疆之祚如日之升有義之年與天同久五百餘歲適丁一遇之期億萬斯年翕受四方之賀臣幸逢休旦叨被誤恩乘使者車雖無裨於言部祝聖人壽竊有冀於華封

賀收復洮河積石

廟謀獨運坐攝羌戎沙幕一空願爲臣妾捷奏交播驩聲四馳中賀竊以高宗之伐鬼方商師必克宣王之征玁狁周道復興然動兵久至於三年而闢國僅開於百里功著二代言垂六經矧我肇復臨洮遠連積石極司空伯禹導河之所自抵博望張騫尋源之所窮坐收斥地遠境之功迄無亡矢遺鏃之費戎軒所至草食相迎不逾浹旬之間

奄有千里之遠望然上古邈爾擬倫恭惟皇帝陛下睿智
有臨神武不殺排浮議紛紜之眾迎沈機以忽之先願言
有苗之征無遠弗届退頌淮西之烈惟斷乃成臣荷國謨
恩逢時休運靖玉關之柝預聞郵置之傳上金殿之觴獨
遠替紳之列

賀九鼎成

鑄九牧之金成一代之寶璽謨有作國勢益隆中賀竊惟
神器之廢興顧與天時爲消長周遷洛邑爰開卜世之祥
漢得汾陰亦重紀年之號或襲於前而非作或得其一而
靡全尙能對天閔休作國重鎮著在信史播爲美談矧去
千古億載之間而成九鼎萬鈞之重煥矣龍文之爭耀炳
然金鉉之相鮮貯之神宮名曰大寶蓋歷世所不克爲者
非聖人孰能與此歟恭惟皇帝陛下以寬冲接下之德大
養羣賢以聰明周物之智取新百度蓋欲銘功於不朽又
將保祚於無窮質鬼神而無疑配天地而不悖孝思斯格
固無飛雉之來升神物所存想有黃雲之在上臣獲聞綽
禮扇使一方瞻望漢庭雖莫預吾邸之對稽參夏鼎猶能
預大禹之功

饒州謝到任

檣櫓散材一無可用乾坤大度何所不容顧雖煩言排擊
之餘猶玷千里師帥之寄戴恩深厚撫已兢慚中謝伏念
臣最爾迂疎偶然遭際龍旂賜對初無可採之言烏府備
員誤膺不次之選脫身冗散屢跡清華所宜激昂少報知
遇而乃攝承言路未及建明定省親庭遽焉辭去以至記
言左史絕禮奉常朝廷進退之恩莫非曲折臣子辭受之
義獨味幾先是皆臣罪之當誅敢咎人言之可畏投閒置

散誰曰非宜宣化承流始望不及過蒙優假祇荷恩私此
蓋伏遇皇帝陛下用舜之中則堯之大訓臣親蒙睿擢宜
有模忠憐臣久侍清光特留矜念少追那刑之峻矜從郡
職之勞有社有民敢憚江湖之遠惟忠惟孝有如天日之
臨恩可報於萬分身願輕於九死

謝賜麻日

舜璣仰察前知七政之齊堯厯下頒特謹四時之序正朔
所建中外率同中謝恭惟皇帝陛下之德之純維天不已
一動一靜與時偕行乃厯象乎日月星辰以布治乎邦國
都鄙謂乘輿之雖遠與承詔以在茲倬彼雲章來從帝所
臣敢不疚心多士勉力百爲期推廣於上恩庶少裨於洪
造

期集謝賜錢

命拜玉璫載瞻瞻表慶流泉府更沐深恩祇奉寵靈伏增
震悸中謝伏念臣等服膺賤士佔卑腐儒幸逢清世之右
文常欲赤心而許國雖沉沉九重之遠無籍可尋而區區
一介之微每懷靡及比緣計進獲以名聞入造嚴宸天威
咫尺退承休渥命服光華願惟疎逸之身荷此便蕃之寵
未能一日少輪犬馬之勤更昇兼金愈重丘山之施諸生
咸集多士有光此蓋伏遇皇帝陛下淵默深宮龍飛寶位
博羣材而兼取厚百福以先施柱石以成不費析爐之用
驚貽將駕復推芻秣之恩臣敢不云云永念戴君之賜何
日而忘誓殫報國之忠自今以始

疏狀

天寧節功德疏

千載應期適聖神之嘉會萬年稱祝實臣子之至恭輒摭

微誠仰于慈祐伏願皇帝陛下珍符錫羨寶祚延洪嗣歷無疆新又新而不息降年有永朔復朔而惟休大敷皇極於黎元以享太平之盛福

天寧節進銀狀

右前件物充晉國之上貢由魯泮之幣餘伏以虹電流輝於赫聖神之運梯航納賁交修臣子之恭矧適昌辰叨膺明命董儒宮之多士將使節於一方雖山呼者三莫預上觴而稱壽然庭實旅百宜有內金之示和輒馳虔廩之餘少効楚芹之獻誠非物稱愧與懼并

又

右前件物虔廩之餘禹貢所載竊以握符御極適啟運於聖神奉幣獻琛爰輸誠於臣子莫不旁連海嶠駢集梯航矧惟一介之臣親適千齡之會蒙恩已厚論報惟何上萬年之觴獨遠鵷鴻之列致五官之貢敢忘螻蟻之誠願莫稱於情文第彌深於祝頌

又

右前件物邦國之常臣職所謹伏以五百餘歲適丁一遇之期億萬斯年翕受四方之賀梯山棧谷輦賁航琛莫非王土之毛曾何臣力之有願以一介遭遇國恩嘉與諸生請明學政上觴稱壽悵莫綴於朝班內金示和願遠充於庭實情非物稱愧與懼并

明堂進銀狀

右前件物繫晉國之土毛充候服之祀貢竊以惟聖為能饗帝允屬熙朝而至孝莫大配天肇修禋禘濟濟奔走之在廟我哉左右之奉璋莫非王臣各揚爾職而臣猥以一介遭遇國恩嘉與諸生請明學政使臣有命莫陪秋豆之

恭王祭不供宜獲包茅之譴輒輸不腆之賦以敘無能之詞願勿利於情文第彌深於兢懼

啟

代賀林樞密

伏審榮被宸恩擢參機政十行錫命奉紫禁之新書再拜揚休識青藜之舊物華夷交慶朝野共瞻恭惟某入學造古初知周事表言行不渝於素履謀猷多見於庠功實賢興龍六卿之遺典制禮作樂三代之宏規凡曰制度云為之經必資討論修飾之力以至入侍從藁出擁使輅尹眾大之區曾蔑一人之獄典銓衡之選各當羣吏之能非遇盤根安知利器如遊餘刃不見全牛可謂周才蔚有成績久著聞於輿頌實簡在於上心進登樞機入奉帷幄朝廷之勢已增重於萬鈞樽俎之間自折衝於千里某風蒙麻屨今荷陶鎔材館非遙限官箴之有守龍門在望悵班賀之無從臨風徒劇於再三濡筆詎殫於萬一

代賀朱右丞

伏審拜中天之綸綍提右轄之紀綱朝野具瞻華夷交慶恭惟某人養剛大之氣挺環璋之才射策龍墀光生章布抗章烏府聲動簪紳金百鍊而更剛松四時而不改禮樂載講爰藉遠猷學校中興悉資碩畫力其持於國是心自結於主知果副簡求益隆瞻委朝廷既正安若太山而四維社稷無疆壯哉明堂之一柱某蒙恩滋久去德猶新竊想教言隱然在耳適摩官守邀爾承顏望風常極於再三濡筆詎殫於萬一

代賀梁右丞

伏審拜命中宸提綱右轄增重本朝之勢益隆寰海之瞻

恭惟某人識量淵深才猷穎拔丹誠許國蚤自結於主知
洪業在民顧久傾於輿望頃自地官之重仍專天府之繁
皆時所難不日而理倉箱有所亟登九戎之儲狴犴之間
曾蔑一人之獄方頌阜陶之底績果聞虞帝之念功進總
憲綱參持政本大賢在位勢已固於金城和氣致祥時遂
調於玉燭某蒙恩滋久聞命維何大厦以成喜宴深於燕
雀慶雲所庇惠豈開於荆榛願以頑冥之資歸陶治之
賜永言欣幸倍百等夷

代賀徐右丞

伏審拜命中宸提綱右轄增重本朝之勢益隆寰海之瞻
恭惟某人博學究乎古今勁氣貫乎金石方冕旒之垂聽
職臺諫以盡規勸時中更秉志不易難風雨以雖晦松冬
夏而自青抗章辯明引義慷慨蔑然強禦之畏休有忠謹

劉左宋文集卷一

七

之風在廷諸儒無出右者雖古烈士何以加諸用能定國
是於紛紜之中結主知於啟沃之際夕郎批勅力可回天
版部理財政開富國雖皆不次之舉未究非常之才及此
綸言擢之柄任朝廷既正安若太山而四維維我以寧壯
哉明堂之一柱某蒙恩滋久聞命維何幸膺鑄鍾之餘矧
是門闢之舊撫躬何有欣自附於青雲企踵爲勞嘆未披
於宿霧永言慶懌倍百等倫

代賀薛內翰

伏審親屈使轡肅將王命越從滄水之峻進直金鑾之崇
儒道有光士林相慶恭惟某人官桂石學海舟航方雍
泮之肇新職簪紳而登用入陪三戟出正師模三物教民
庶比隆於周室四科取士未專於孔門幾及成功俄更
前意難風雨以雖晦松冬夏而自青言必據經事皆師古

力捐入陰之宿霧還我大明一週既倒之狂瀾復古故
天風中命雲漢成章顧學政更新無非極一時之選惟
宗難繼是以終三年之淹士論未平上心方眷花磚晨入
日影未移蓮燭夜歸漏澤頻轉豈止掩芳於三俊直將比
美於六經某梓里諸生芹宮一介戲陳俎豆嘗爲同隊之
魚景迫桑榆獨作空羣之馬仰飛黃之騰踏笑斥鷃之翔
翔管席甚疏尚幸故人之不棄磨門在望未知何日之可
登倘容附驥之蠅一振處鷄之鶴誓將碎首報以終身

代賀朱都運

伏審光奉皇恩榮司漕計近在西郊之外蔚爲諸路之先
宸騰甚優師言惟允恭惟某人美由世濟忠以孝移艱難
備歷於百爲險易當持於一節馳驅奉事久矣賢勞懇惻
抗章達以疾請方聖主進爲之日豈賢人退處之時果爾

劉左宋文集卷一

九

綸言起之琳館矧夫方千里之內畫爲王畿尙以三十年
之通制此國用外建四輔旁資萬營迄無不足之憂休有
已試之効雖曰奉身而退豈舍王哉惟是度才以居無易
公者都門一出邸吏相迎滿目山川依然前日之舊夾道
父老恍若故鄉之歸習俗便安吏民懼悅某頃依此覆每
荷吹噓屬守官箴致妨賓謁惟佇於召節當亟展於慶
面尚托餘輝少安綿力職惟忻幸曷究敷宣

代賀盧營田

伏審光奉宸綸寵使使繡瞻行軒之在邇與屬部以交欣
恭惟某人德器觀深久騰士論才猷明敏蚤結主知方皇
家廟算之才復周室鄉兵之漸出持使節往按邊封自陝
以西已餘驍勇惟晉之舊更繕規爲大修充國之屯田廣
募魏氏之武卒茲惟上策允屬全才方圖慶福之修先辱

古書之毗永言感刻易究敘陳

代賀孫營田

伏審被命中宸拔兵劇部周才獲試公義攸歸恭惟某人
茂著風猷雅宏器業詞章藻麗久播儒林政術設施方隆
宸睠爰自對敷之美寵將出使之權矧晉舊墟曰古強國
蓋好武出於天性自昔而然而教兵藏之民間於斯為盛
且耕且戰足食足兵何待三年可使有勇坐令二虜罔不
畏威即拜優恩以彰成績願惟不敏實仰高風欽頌之誠
敘言曷究

代王漕賀馮提學

伏審光膺詔綽榮擁使輶蔚為多士之依歸允副一時之
遴選國家遭時定制稽古建官實與賢能周鄉師之分職
循行郡國漢博士之觀風無非慎簡於宗儒於以肅將於

劉左史文集卷一

九

使指恭惟某人士林擢秀學海資深絳帳橫經已變貴遊
之習繡衣持節更恢化育之功矧夫大河以東全晉之地
文學宗子夏之富經術推仲淹之窮今古相望顧流風之
未泯庠序設教方盛世之所先行觀輶軒之行一開泮宮
之化異人間出髦士攸宜顧實誦材明同大部偶攝官而
承乏徒盡瘁以在公况宗祿務之非專焉有舊政之可告
仰高滋久瞻德未遑傾頌之私敷宣罔究

代吳提學謝執政

吳以越職言

刻章失當自抵刑書議問從寬止還銓部罪深責淺恩重
命輕伏念某樛櫟散材久知無用斗筭小器終愧易盈
頃新三舍之文誤磨一介之使雖更異議不負初心華輅
盤輿寧有辭於跋履雲章奎畫每相戒以遵承而識慮不
通矜持太過謂權酷之職有添助之酒錢掃邑於時質管

鈞於學事既達明詔輒擾細民知而弗言罪恐不免殊不
思法嚴分守事有司存過計私憂乃至為蚍而盡足侵官
離局幾同越俎以代庖况有常刑著之甲令存頒審旨申
儆官聯言在耳以未忘罪擢髮而莫數伏蒙某人深通下
志明燭事微察其所言蓋止於於循習憐其所犯在奉法
於丁寧姑爾薄懲以為大戒退慙昏昧上玷使令於學校
與盛而罹失伍之誅方朝廷清明而預黜幽之罰杜門引
咎有愧友朋引鑑照形可憎面目某惟當追循往省祇服
厚恩未迫桑榆倘前愆之可贖誓鞭駑馬庶後效之是圖

代吳提學再領學司謝監司

伏奉詔條申嚴學政承誤恩之下運係舊部以來歸例指
半年僅如前日舉頭全晉恍若故鄉顧疲懦之無堪識吹
噓之有自茲蓋伏遇某人哀誠許國內恕及人樂與一方

劉左史文集卷一

十

之秀民馴致三代之美俗留情泮水蓋常言必稱之加意
子矜謂是政所先者按行所至彈借實多肆令澄汰之餘
復董賓興之盛眷河之左俗號少文建學以來士稍知化
必將遠期之歲月始能仰副於朝廷豈茲微才可觀成效
所幸同舟而濟適獲所依願分鄰室之光以資不逮望風
良切瞻德未遑傾頌之私敷宣罔究

謝免省

比年課藝幸據上游今日程文復叨優等爰充名於桂籍
行待問於楓廷得非所宜愧不能稱竊以先王育材於學
本以取人君子修善於身固將從政惟所用出於所教故
能言必也能行詩書所稱豈有異致公卿之選悉由此途
凡其一時出長入治之庶官莫非六鄉時書戒效之多士
待以積久取之盡公斯民所以直道而行在昔稱爲至治

之極降及後世溺於末流以六藝爲繁文謂上庠非急務太常受業徒評平日之空言列郡應書盡出臨時之私意上之所求幾於無用下之所學亦非可行不知操縵之爲安烏有畫餅之可食曠矣千載循乎一塗此衰世之執所以相尋而聖人之道末之能復恭惟國家承百年之積弊慨七世之大猷泛觀古今洞見根本謂兩漢而下所以失由觀人以一日之長而三代之治所由興蓋入學有中年之攷乃闢饗舍以來後英增弟子之千員頒新書之萬卷春誦夏絃而經以師授月書季考而士由舍升既考之於尋常復試之於倉卒且環橋者億萬不已多乎及揚解之再三僅有存者故自元豐之肇造迄乎紹聖之續承雖有求者累年於茲而所得者數人而已宜獲異材之問由以彰新法之大成如某智不適時學方爲己徒以雙親孝養未忘干祿之心三舍序升式重興賢之禮俛首百試族身七年幾成上考之功猶屬中變之法頃進公選再程斐文言實工於前時名亦玷於異等知其非幸許以從新方虞再鼓而衰甘爲殿後不謂適矢復沓優入彀中退慙毀瓦之無功進喜望雲之有日蹟其所自敢不知歸茲蓋伏遇某人云云頃膺明命而董學官幸升夫子之堂獲就諸生之列參乎未達方求一道之歸偃也何如或許片言之是待以殊等出於眾人雖華塗浸進於台司而雅意不忘於壁水龍門益峻猶許再登驚馬力疲幸叨一顧繫餘光之下庇使朽質以生榮故於選掄誤被收錄力探聖賢之闕域誓窮師友之淵源

謝王潛舉改官

孺文論舊方有賴於二天北海薦賢謬見推於一鶚願藝

龍之無取辱聲聞之過情豈其所宜祇足爲媿竊以保舉之法古稱至公請託之私今爲後患以言故不若親之近以論才不若勢之嚴捨此二端未知一可儻非大賢之特達自拔流俗之卑污肯爲清朝舉一寒士如某者服疇冷族佔卑腐儒頃緣三舍之諸生擢預外臺之屬吏芙蓉泛水幸廁英游松柏成林獨慙窮植坐見飛黃之騰踏分甘斥鷃之翔翔自知非才每以無怨矧泮宮之長育具宸筆之丁寧官各攸司顧簡書之可畏言非有補川操屬以何爲提空師以焉歸僚舊臬而是託左車餘虜曷足與謀管仲困時固多不利所宜剋章而薄責乃復借譽以片言豈有淺能可希寸進此蓋伏遇某人秉心近厚立行有常范叔甚貧嘗有一日之雅而晏嬰雖久不忘平生之言曲憐留滯之餘加界吹噓之末其爲賜也不已多乎某敢不祇服官箴益修士檢至所未至聞所未聞非日能之倘遂古人之志可無愧矣不虛國士之知

劉左史文集卷一

主

劉左史文集卷一

主

謝司業改官

膺門餘地雖幸登龍融帳多賢敢希薦囑省躬有愧荷德無窮竊惟中古以來未有今日之盛卽郊置學環水爲池淵然道德之流邃矣詩書之府維時工匠作我主盟凡厥抱材咸希推轂矧正司於魯泮悉隸籍於虞庠願乏偉人以光清舉如某者門闕棄物湖海散材偶緣三舍之諸生擢預外臺之屬吏追隨使命幾疲汾晉之山川寤寐師承徒夢辟雍之鐘鼓每惟疎迷久此棄捐命職自天人孰爲地不謂大賢之特達曲憐小己之遐遺借以片言俾之寸進茲茲伏遇某人善惟引類美務成人謂其少學藝文誤中程於上客雅知規矩常侍席於先生曲矜留滯之餘加界

吹噓之末其爲賜也不已多乎某敢不益進初心力修舊學遠探聖賢之旨趣上承師友之淵源非曰能之儻遂古人之志可無愧矣不虛君子之知

謝葉博士

烏府備員方慙非據螭蚬庀職敢幸見收諒難愜於師言已追還於成命過蒙矜恤豫賜褒揚義不敢當愧無以處倘憑餘庇之及獲安舊職之常荷德實多敘言奚究歲云暮矣物不終窮賢者履之福將自至佇膺異數式慰歸懷

劉左史文集卷之二

墓誌

宋國寶墓誌銘

永嘉宋君國寶既歿之明年卜以九月甲申葬於郡西寶塘原前期弟某狀君行以書抵辟雍錄張輝子充曰某不悌不能恭厥兄天降之罰以不界於我家今葬有日儻不得賢者銘以垂不朽是重某不悌之罪也況兄於今監察御史劉君厚而執事劉所敬也若因執事以請必得銘一日子充詣余致其言且曰若國寶銘無愧矣余既知君又重違子充之請遂序而銘之君諱之珍國寶其字也先生九歲喪其父家貧能自謀學不爲異業奪比長益砥礪爲節行非其義不一以毫挫於人謹身約用以取給有餘輒班其兄弟之貧者居平不妄言笑不以色假人人若不可

劉左史文集卷之二

得而親至所與交必傾倒爲之盡情骨清氣爽望之可知其人也年三十二始以進士選爲台州司理參軍有告坑戶疑其匿官白金者不實法應杖吏受賂欲寘之流君曰在法告不稱疑雖不治可也而反坐之耶固爭之壓之勢竟不爲變獄無小必躬閱不專謾胥吏所平反者甚眾歲餘丁母憂徒跣扶柩旋葬某鄉備極哀瘁廬於墓者三年服除調應天府穀熟縣尉所部兵獲強盜或請以躬捕爲名可增秩君曰以欺冒賞不忍爲也勿聽初君嘗上書言事坐是齟齬不進故再尉會稽越俗率以春月競渡其費用一切皆官爲取之民歲病其擾而在位者苟覲候嬉方務極奢侈府丞意喻諸邑邑例以尉督辦至君獨詣府條其不可者三一府閔然皆爲君難之君不顧其事訖不行大觀三年詔削黨籍君曰吾罪滌矣庶幾伸其志者明年

夏至京師以五月丙辰卒於逆旅享年五十二君性勁持義不苟所當爲必挺然以身先至於不可介如也不以貴賤貧富大小眾寡二其操其居家也動以法自律如在官府其在官府也事無細不察如居家焉雖勤瘁不以爲病未嘗求知於人人亦鮮能知君者卒無愧恨意曰義如是如是足矣又何求自初任至歿幾至二十年而官止於此故其事業不甚著見於世識者哀之曾祖諱某祖諱某父諱某君娶陳氏生男四人曰敦仁敦義敦禮敦信皆修進士業女三人皆嫁士人季未行其葬也實從母夫人兆其年改元政和銘曰

介而通察而恕儉而能施勤而不怨在位常患不得若人而用之而若人者又卒不偶以死其命也夫

祭文

劉左史文集卷之二

祭墳立之

嗚呼余與汝家世爲婚姻故復以女託汝終身如何五年有子二人一初學語一方在衽汝遂往矣彼將誰親嗚呼哀哉予復何言漉酒告誠涕淚潺湲

薛承奉祭立之

女子之生於人是倚嫁也倚夫夫沒倚子嗟爾母兮初喪爾父家事多難將于是付子復往矣母將誰依二弟尙幼嗚呼母悲嗟我曩時婚嫁初畢謂已無累矣倏終日如何至今百累猶存矐然之翁而哭諸孫嗚呼老矣爲累滋多未化之身爲之奈何

代貫道祭姪立之

天禍我家降之百殃歲在癸酉我兄蚤亡期月之間再罹父喪今汝又往使我重傷憶昨與汝侍翁之側謫言從容

汝有倦色翁曰往哉汝其歸息年未及壯已入老境其能久乎有嗣爲幸時余與汝雖聞此言親親之心亦冀不然孰謂今日天不汝假追念昔時我淚如瀉嗚呼哀哉人孰不死汝爲不遇人亦有天汝爲可嗟汝母班白汝兒咿哇汝弟汝妹曰未室家逝去之夕對我欲語氣出如線幾不能吐余曰吁哉其屬我親予豈敢忘猶有鬼神領以應我去無及矣骨月存旁環其泣矣嗚呼哀哉汝其無可奈何兮予亦無奈汝何今

立之移喪路祭

聞諸古人喪先遠日豈便於生惟死是卹子之云亡日近三七肉未及寒輿置他室抑又聞之子之於親惟命是行豈其死也而異於生吾親苟寧亦子之情往以安之勿怖勿驚

劉左史文集卷二

祭丁逢辰

嗟我逢辰名家以儒不說方士不師浮屠獨抱六經以恢聖謨曰異此者則非我徒翕然高門不戒而孚子如其父妻如其夫言不苟發行不苟趨咸謂長者信哉不誣越歲戊辰闕多士塗羣舉經行以公應書事乃中沮賢網之疎臨川太息失吞舟魚公曰命也歸與歸與笑指東郊先子舊廬詩書可樂琴瑟可娛盡往葺焉予將隱居命二三子無棄是圖以講以問則予與俱季也早達調官海隅綵服從侍式歡有餘天不相人豕于云殂慈懷孔傷積憂成痼竟以不救吁亡已夫嗚呼哀哉日逝月徂寃宥告期永隔幽墟曾是婚姻君之葭莩今此長往心焉何如伯祭以文君其知乎

祭吳助教

天之降才非徒生之人之負材終有一施昔者范蠡伯王之師進饒於功退饒於貲惟公之初家事未治日與其季出謀所爲不有居者孰營余私汝盍往學余爲汝資舟車所通水泛陸馳閱歲幾何各獲其期季以學顯公以幹推俱爵於朝同功異宜亦既知足幡然改思卜居東嘉養氣自怡剛直有禮信而不疑歲推其餘以畀宗支鄉黨族屬服其義慈咸謂五福有全不虧嗟公平生未嘗丐醫一旦遭疾乃久勿支逝去之辰神魂欲離猶能晏然與諸孤辭嗚呼壽矣夫復何悲惟是鄰里游從有時載燕載笑既相諧熙願託婚姻以永不衰通好未幾公疾已危遽云逝矣迅弗可追再拜柩前奠此一卮想公精神死猶有知

祭王正翁

劉左史文集卷二

四

嗟嗟正翁而遽然耶其一去而終不復返也耶昔公之赴官臨川也予往江心孤嶼餞之曰公仕矣且去鄉里其亦有私事未集者乎予不敏願實力焉公曰吾仕矣又何求然吾他日歸顧未有廬可居者公愛我盍爲我營之予曰唯唯公既就道余惟命匠治公室是勤室且成公亦代有日予固蚤夜望公之歸以寧其居也而乃沒於中道也耶其託我以居居成而不得寢處之也嗚呼哀哉是月也公之子將以公之柩葬於西岑之原故悼公之不復見也敬侍母親往以蒲奠祭公於新居之正寢惟公有知其聽斯文以審我哀

祭方積中

昔公妙齡秉筆學文朝謂白屋暮而青雲如何十年挾冊求仕抱璞以泣歲然知已我初見公謂才可求公亦自信學以日修迨其不遇謂命之使公亦自疑學其已矣吁嗟

人生各有所營退必獲利進必獲名公之營身豈云不力
云胡二者而亡一得我意天理否久則通易有如公竟坐
此窮天不可知才不可恃公之長才命止斯爾日沒復出
公歸不還登公之堂莫承公顏我酒既清我肴既潔哀以
送之終天之訣

爲林思廉祭林介夫

大道之行維國求賢往往其君擁篲以先後世多私維賢
求國僥首有司以幸一得偉哉先生則異於是曰予之學
初不爲利胡爲去親千里決科丐祿升斗其獲幾何出耕
東阡入奉北堂夫豈無他而行一鄉孟子去齊國人矜式
王通河汾訟者自息施于有政是亦正人矣其有爲先辱
其身維此麒麟將聖之志諸儒盾矛莫究厥義微發大旨
析其異同一時諸公舍已請從嗟余晚學實愚不肖曾謂
先生肯賜之教誨我論我謂我宗盟勉我以學忘其不能
維是頑庸莫堪鞭策先生之教夫豈不力尙期終身佩服
不遺如何中年天奪之師嗚呼哀哉自今以往凡我小子
孰勸孰獎考日惟良葬車東馳訣祭一觴誰知我悲

祭陳八夫人

昔我伯姊首歸諸陳不竟其壽卒從夫人夫人之初適於
夏氏有子而妻實我兄子陳爲吾姊夏爲吾姻眷好之再
敦夫人親嗚呼哀哉昔我佳節拜夫人壽今也則亡來哭
其柩我酒既酌我肴既陳聊以祭之嗚呼夫人

又

嗚呼夫人而命然乎前年之春實喪厥夫靈柩在堂未先
大葬如何夫人亦繼而喪嗚呼哀哉室家堂堂惟君子經
之營之實夫人爾承之嗚呼今其往矣將誰使承之惟夫

人有知其福爾子孫以慰我親姻之思

青詞

爲子孫保安設醮

天聽雖高不疾而遠日監在下有感必通頃緣賤息之負
病營涯丹誠而敘懇賴神之賜厥疾有瘳是謂嘉辰共陳
洪會玉虛金闕仰投葭爾之誠風馬雲車想見翻然而下
有酒惟旨有肴惟馨雖遠豆甚微物無以稱者然精誠所
至神其吐之乎

經義

達瑞節同度量成牢禮同數器脩法則

立法而授之侯者王也奉法而施之民者侯也先王之於
諸侯列之爵分之土豈私厚之哉代王行法於是乎在然
而人之情也遠則易恣法之行也久則或弊以易恣之人

劉左史文集卷二

六

奉或弊之法苟不有人以稽正之則禮法亂於僭擬法度
壞於因循異政殊俗莫之統一而先王所恃以維持天下
者將不幾於廢弛乎是故周官之制每於十一歲之久必
使行人之官以巡天下之邦國達瑞節同度量成牢禮同
數器脩法則者凡以考正諸侯之治故也蓋瑞以合驗節
以示信而用之交四鄰者也度以度長短量以量多寡而
用之以平百物者也牢禮者若行人禮九牢之類用之以
禮賓者也數器者若典命各職其命之數用之以爲儀者
也法則凡制而用之者也則凡揆而制之者也夫邦國
之地封疆百里比之王畿雖曰壤地編小然所以交四鄰
平百物外之禮賓內之飭己與夫制而用之揆而制之一
皆有賴於數者之法一法不舉弊之源也則欲撫於邦國
者可不考而正之哉何則瑞節所以爲信也瑞非其瑞則